

簡易普及良方

二

簡易普濟良方卷之二

廬陵彭用光編集

中風門

治初中風癱緩一日內細研膽礬如麪每使一字用溫醋湯下立吐涎漸輕愈

治中風但腹中切痛以鹽半斤熬令水盡著口中飲熱湯二升吐即愈

治中風者卒不能語手足不隨而強直方伏龍肝即竈心土五升以水八升和攪取汁服或灌下能言為善即効



治中風心煩恍惚或腹中痛滿或時絕而復甦取
釜下土五升搗末以冷水八升和之取汁盡服
之口已噤者強開以筒灌之使得下入便愈甚
効

菖蒲薄切令口曬乾者三斤以絹囊盛之玄水一
斛玄水者酒也懸此菖蒲密封閉一百日出視
之如綠菜色以一斗熟黍米內中封十四日間
出飲酒則一切三十六種風有不治者悉効
治中風通身冷口噤不知人獨活四兩好酒一升
煎取半升分溫再服

治中風不語獨活一兩剉酒二升煎一升大豆五合炒有聲將藥酒熱投蓋良久溫服三合未差再服

偏中風手足不遂皮膚不仁宜服仙靈脾浸酒方
仙靈脾一升好者細剉以生絹袋盛于不津器
中用無灰酒二斗浸之以厚絹重重密封不通
氣春夏二日秋冬五日後旋開每日隨性煖飲
之常令醺醺不得大醉若酒盡再合服之無不
效驗合時切忌雞犬見之

張仲景活六十二種風兼腹內血氣刺痛用紅花

一兩以酒一升煎強半頓服之不止再服

療癱緩風手足蹇曳口眼喎斜語言蹇澁履步不正神驗烏龍丹川烏頭去皮臍五靈脂各五兩右為末入龍腦麝香令研細勻滴水丸如彈子大每服一丸先用生姜汁研化次煖酒調服之一口兩服空心晚食前服治一人只三十丸服得五七丸便覺搢得手移得步十丸可以自梳頭

治口渴青松葉一斤搗令汁出清酒一升浸二宿近火一宿初服半升漸至一升頭面汗即止

治三年中風不輟者松葉一斤細切之以酒一斗
煮取三升頓服汗出立差

治中風身直不得屈伸反覆者取槐皮黃白者切
之以酒或水六升煮取二升去渣稍稍服之瘥
治中風口噤服淡竹瀝一升

主大人小兒風癱吳茱萸一升酒五升煮取一升
帛染拭之

治卒中風昏昏若醉形体昏悶四肢不收或倒或
不倒或口角似利微有涎出斯瀕不治便為大
病故傷人也此證風涎潮於上膈痺氣不通宜

用救急稀涎散猪牙皂角四挺湏是肥實不虫
削去黑皮晋礬一兩光明通瑩者二味同搗羅
為細末再研為散如有患者可服半錢重者三
字匕溫水調灌下不大嘔吐只是微微涎稀冷
或出一升二升當得惺惺以緩而調治不可使
大過吐之恐大過傷人命累經効不能盡述
治中風心煩恍惚腹中痛或時悶絕而復甦用麋
羊角屑微炒搗羅為散不計時候溫酒服一錢
匕

原蠶屎一名蠶沙淨收取晒乾炒令黃袋盛浸溫

服治風緩諸節不隨皮膚頑痺腹內宿冷腰脚
疼炒令熱袋盛熱熨之主偏風筋骨癱瘓手足
不隨其腰脚軟皮膚頑痺服酒并熱熨効

治中風急喉痺欲死者用白彊蠶以火焙乾令黃

色搗篩為末取生姜自然汁調灌喉中効

治中風失音并一切風疾及小兒客忤男子陰痒
痛女子帶下以白彊蠶七枚為末用酒調方寸

匕立効

涼膈散

連喬 一兩 山梔仁

大黃

薄荷 各五錢

甘草

五錢

朴硝

二錢

黃芩

竹葉

各五錢

每貼一兩煎入寮食後服

治中風卒不得語以苦酒煮芥子傳頸一周以帛包之一日一夕乃差

轉舌丹治中風不語即涼膈散加石菖蒲遠志肉為末煉蜜丸如彈子大硃砂為衣薄荷湯化下食後卧時服一日可服五七次神効

活命金丹治中風不清即涼膈散加青黛藍根為末蜜丸大硃砂金箔為衣如彈子大每服一丸

茶清化下

二方神効



彭用光曰凡中風即服轉舌丹活命丹極效此先
聖之心也服後如何另處方

諸風門

治風癱瘓遍身百計治不差者煨雲母粉以清水
調服之看人大小以意酌量與之多少服

熱湯助陽氣行經絡患風冷氣痺人多以湯塗脚
至膝上厚覆使汗出周身然別有藥亦中假湯
氣而行也

治風癢癱瘓牛膝末酒服方寸匕日二拜主骨疽
癰病

治遍身風痒生瘡疥以疾藜子苗煮湯洗之立差

治白癩風以白蒺藜子生搗為末作湯服之

治破傷風用防風天南星為末等分每服二

童子小便五升煎至四升服愈即止

忍冬藤取汁煮以釀酒補虛療中風兼可治腹脹

滿

治大風身痒取蛇床子仁煎湯浴之治中風

蒼耳三月已後七月已前刈日乾為散溫水服主

大風癩癰頭風濕痺毒在骨髓日三服九服

十三十九散服一二已服滿百日病當出如疔



北京中医药大学图书馆版权所有

疥或癩汁出或班駁甲錯皮起後乃皮落肌如
凝脂令人省睡除諸毒螫殺疥濕蟹久服益氣
耳目聰明輕身強志主腰膝中風毒尤良忌食
猪肉米泔亦主制大毒

有人病遍身風熱細癰痺痛不可忍連胸頭臍腹
及近陰皆然涎痰亦多夜不得睡以苦參末一
兩先以皂角二兩水一升揉濾取汁銀石器中
熬成膏和苦參末為丸如梧桐子大食後溫水
下二十五或三十九次日便愈

凡使苦參不計多少先須用糯米濃泔浸一宿上

有腥穢氣並在水面上浮並須重重淘過即蒸
從已至申出聯乾細剉用之

治風毒骨髓疼痛芍藥一分虎骨一兩炙為末
絹袋盛酒三升漬五日每服三合日三服

地榆汁釀酒用治風痺補腦酒主風補虛髓及頭
風四肢不隨

栢枝節炙以釀酒主風痺癰節風

治風潤皮膚用側栢子仁炒用

又治癩取乾艾隨多少以浸麴釀酒如常法飲之
覺痺即差近世亦有單服艾者或用水

或作湯空腹飲之甚補虛羸

又松脂松膏松實主惡風痺

牛蒡子研末投酒中浸三日每日服三二盞任性

飲多少除諸風去丹石毒主明目利腰膝

治皮膚風熱遍身生癰瘰牛蒡子浮萍等分以薄

荷湯調下二錢日一服

惡實是子也今謂之牛蒡未去萼時又謂之鼠粘

子根謂之牛蒡踈風壅涎唾利咽膈微炒可入

荊芥穗各一兩甘草炙半兩同為末食後夜卧

湯點二錢服當緩取効子在萼中萼上有細鈞

多至百十謂之芒則誤矣根長一二尺麓如拇
服煮爛為菜

治白癰風以蘿摩草白汁傳上搯令破再傳三度
差

又松節主百節久風風虛脚痺疼痛

療肺風又云療丈夫心肺中虛風及客熱膀胱間
連脅下時有氣妨皮膚瘙痒癰癢飲食不多日
漸瘦損常有憂愁心忪少氣等並春收苗及花
陰乾入冬採根其藥名莎草其根即香附子也
有患前樣病者取苗二十餘斤剉以水二石升

斗煮取一石五斗於浴斛中浸身令汗出五六
度浸浴其肺中風皮膚痒即止每載四時常用
則癰癰風水差其心中熱膀胱間連脇下氣妨
常日憂悶不樂兼心松者取莎草根二大斤切
熬令香以生絹袋貯於三大斗無灰酒中浸之
春三月浸一日即堪服冬十月浸七日近煖處
乃佳每空心服一盞日夜三四服之常令酒氣
相續以知為度若不飲酒即收根十兩加桂心
五兩蕪荑三兩和搗為散以蜜和為丸搗一千
杵丸如梧子大每空腹以酒及姜蜜湯汁等下



二十九日再服漸加至三十丸以差為度

用側子為末冷酒調服治遍身風癩側子即是附

子傍有小顆側子如棗核者是主治癩神妙也

治隱疹風及風毒脚腫並以大戟煮水熱淋之日

再三便愈

治風毒所攻藏府積滯用牽牛以童子小便浸一

宿後長流水上洗半日即用生絹袋盛掛於當

風處吹乾每日鹽湯下二十粒極能搜風亦善

消虛腫久服令人體清爽

治惡風疾松脂煉投冷水中二十遍蜜丸服二兩